

Ilinniarnertuunngorniarfinni soraarummeernerit

Ilinniarnertuunngorniarfinni karakterit nalunaarsuutaat kisitsisaataa-sivimmi pissarsiarineqarsinnaalerput

Tabelit ilinniarnertuunngorniarfinni ilinniartut misilitsinnerini inernerit atorlugit agguaqatigiissillugu karakteriiniq imaqarput, faginit, fagit qaffasissusaannut, suaassutsinut kiisalu ilinniarnertuunngorniarfinnut naatsorsorneqarsimasut.

Periaaseq pillugu annertunerusumik nassuiaat periaatsimut immikkoortumi atuarneqarsinnaavoq.

Siunertaq

Kisitsisitigut paasissutissat ilinniarnertuunngorniarfinni inaarutaasumik misilitsinnerit inernerit malinnaaffigineqarsinnaasunngortissavaat. Taamatuttaaq atuartut qanoq amerlatigisut faginit assigiinngitsunik qaffasissusilinnik ingerlatsisimanerat malinnaaffigineqarsinnaalissalluni.

Nalunaarsuutit tunngaviusut

Kisitsisitigut paasissutissani ilinniarnertuunngorniarfinni ilinniartut soraarummeersimanermit uppersaataat Kalaallit Nunaanni ilinniarnertuunngorniarfinit aaneqarsimasut tunngavigineqarput.

Periaaseq

Soraarummeernermit uppersaat tunngavigalugu ilinniartumut ataasimut agguaqatigiissitsinermit uuttuummik naatsorsuisoqarpoq. Faginit tamanut ilinniartup ingerlassimasaanut uuttuteqarpoq kiisalu karaktereqarluni. Tamanna soraarummeernermit uppersaammik allaqqavoq. Karakterit tamarmik immikkut ataasimut inernerisa kiisalu taakku uuttuutaasa ataasimut kisinnerisigut taakkulu uuttuutit ataasimut inernerannik agguarneqarneratigut agguaqatigiissitsinermit uuttuut naatsorsorneqarpoq. Agguaqatigiissitsinermit uuttuut 1,03-mik amerlisarneqarpoq atuartoq A-mik qaffasissusilinnik faginit pingasunik ingerlatsisimappat imaluunniit 1,06-imik amerlisarneqarluni atuartoq A-mik qaffasissusilinnik faginik pingasunit amerlanerusunik ingerlatsisimappat. Ukiumoortumik karakterit aamma inaarutaasumik karakterit naatsorsuutini ilaapput. Soraarummeernermit uppersaatini paasissutissat allaqqasut atorlugit agguaqatigiissitsinermit uuttuut kisinneqarpoq. Ilinniarnertuunngorniarfinit paasissutissanut pineqartunut naqqiissutit tunngavigineqanngillat.

Ilinniartut qanoq amerlatigisut ilinniarnertuunngorniarfinni faginik neqeroortigineqartunik assigiinngitsunillu qaffasissusilinnik ingerlatsisimanerat immikkut naatsorsorneqarput. Fagit A-, B- aamma C-mik qaffasissusillit neqeroortigineqarsinnaapput A-millu qaffasissusillit qaffasinnerpaatut inissisimapput. Soraarummeernermit uppersaammik takuneqarsinnaavoq fagit taakkulu qaffasissusaat ilinniartumit ingerlanneqarsimasut. Fagit qulaani allanneqareersutut qaffasissusilerneqarsimangitsut naatsorsuutini ilaannngillat.

Fagilli assigiinngitsut qaffasissusilerneqarsimasullu tamarmik ilaapput. Tamannalu isumaqarpoq fagimik qaffasissusilerneqarsimasumik, ilinniarnertuunngorniarmimili neqeroorutaasimannngitsumik, naatsorsuutit imaqarsinnaanerit.

Naatsorsuutini tamani ilinniartut ilanngunneqarput, karakterii karakteriisalu agguaqatigiissinnerannut uuttuinerit apeqquaatinnagit.

Naatsorsuineq

Kisitsisitigut paasissutissani inaarutaasumik karakterit agguaqatigiissinneri kisinneqarput kiisalu ilinniarnertuunngorniarmiminnut, suaassutsinut aamma ukiunut immikkoortiterneqarlutik. Taassuma saniatigut fagit qaffasissusaat malillugit agguataarsimasut kisitsisitigut paasissutissiarineqarput. Qallunaat ilinniarnertuunngorniarmiminnit fagit naammassineqarsimasut kisitsisini pineqartuni ilanngunneqanngillat, agguaqatigiissilluguli karakterit kisitsisaanni ilaapput.

Misissukkani killiliinerit kukkunerusinnaasullu

Atuartut amerlassusaat kisitsisini matumani pineqartut kisitsisaataasivimmi ilinniartut amerlassusaannut Kalaallillu Nunaanni ilinniarnertuunngorniarmiminnit naammassinnissimasut kisitsisaannit annertunngitsunik allaanerusinnaapput. Taaneqartunut kingullernut nalunaarsuutit tunngaviusut piffissap ingerlanerani kingumoortunik allannguuteqarsimasinnaanerit pillugu ataavartumik naqqissornerqartarnerinik tamanna peqquteqarpoq.

Kalaallit Nunaanni ilinniarnertuunngorniarmiminnit Naatsorsueqqissaartarfimmittunniunneqarsimasuni nalunaarsuutit kukkusunik amigartunilluunniit imaqarsinnaanerit eqqumaffigineqassaaq.

Ilisarnaatinut nassuiaatit:
... Paasissutissat pigineqanngillat
.. Paasissutissat tatiginanngitsut ilisarinnilersitsisinnaasulluunniit
. Kisitsisitaqarsinnaanngitsut
0 Affaanit mikinerusut
- Nul
* Kisitsisaagallartut imaluunniit missingersuut

Saaffiginniffissaq
Samo Nielsen
snie@stat.gl

Ilinniartitaaneq

Naatsorsueqqissaartarfik
Postboks 1025 · 3900 Nuuk
Tlf.: +299 34 57 70
www.stat.gl · e-mail: stat@stat.gl

